



Isalathiso: 20210318-1710
Inombolo yefayili: 13/11/2
Imibuzo: Ngokweitheyibhile 17.1

INGcaciso eMfutshane yeCandelo loLawulo lweeMviwo: 0002/2021

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kumaSekela Balawuli, kwiiNgcali zeMfundo eziziiNtloko, kwiiNtloko zoQuquzelelo neNgcebiso ngezeKharithulam, kwiiNtloko zoLawulo noKuphathwa kwamaZiko, kwiiNtloko zoKunika iNkxaso kwiKharithulam, kuBaphathi beeSekethe, kuBacebisi ngeZifundo, kumaSekela eeNgcali zeMfundo eziziiNtloko, kuBaququzeleli boVavanyo neeMviwo nakwiiNtloko zamaziko alungiselela abaviwa kwiiMviwo zeSatifikethi seMatriki sikaZwelonke (NSC), ezeSC neze-Adult Education and Training (AET) Level 4

Isihloko: Ukuqeshwa kwabagadi babaviwa ukwenzela iimviwo zokuxabangela zeSatifikethi seMatriki sikaZwelonke (NSC)/ezeSatifikethi seMatriki (SC) zangoJuni 2021, iimviwo ze-Adult Education and Training (AET) Level 4 nezeSatifikethi seMatriki sikaZwelonke (NSC), zango-Novemba 2021

1. Ngokwemimiselo ii-Regulations Pertaining to the Conduct, Administration and Management of National Senior Certificate examination, eyapapashwa kwiGazethi kaRhulumente No. 37651 ye-16 Meyi 2014, **amasebe emfundo amaphondo makatyumbe inqununu yesikolo njengomgadi wabaviwa oyintloko weemviwo zeNSC.**
2. Iinqununu nabaphathi bamaziko emfundo yabadala banokuwudlulisela lo msebenzi, ngenchwadi ebhaliweyo, kwilungu leKomiti yoLawulo yeSikolo (School Management Team) (SMT)) eliqeshwe liSebe leMfundo leNtshona Koloni (WCED). Nakuba kunjalo, inqununu/umphathi weziko uya kulwamkela ngokupheleleyo ekugqibeleni uxanduva nokuphendula ngokubhalwa kwazo zonke iimviwo kwisikolo/kwiziko akulo.
3. Umgadi wabaviwa oneqhuzu uya kusebenza njengomgadi wabaviwa oyintloko kwiiMviwo zeNSC zokuxabangela nezeSC eziya kubhalwa ngoMeyi/Juni i 2021.
4. KwiiMviwo zeNSC zangoNovemba 2021, umgadi wabaviwa oneqhuzu (senior invigilator), ekufuneka abe ngumntu wasekuhlaleni, kulindeleke ukubaancedise umgadi wabaviwa oyintloko ekulawulweni nasekubhalweni kweemviwo. Akuvumelekanga, phantsi kwazo naziphi iimeko ukuba umgadi wabaviwa oneqhuzu makaluthathele kuye ngokupheleleyo uxanduva lwayo yonke imisebenzi yezolawulo enxulumene noviwo lweNSC lwangoNovemba 2021.

5. Kucelwa iinqununu nabaphathi bamaziko emfundo yabadala bafune abantu basekuhlaleni abafanelekileyo abaya kusebenza njengabagadi babaviwa abaneqhuzu kunye nabagadi babaviwa bezi mviwo zikhankanywe ngentla.
6. Inqununu/umphathi weziko okanye lowo kudluliselwe kuye amagunya makaqinisekise ukuba kuzaliswa zonke ezi zihlomelo ziqhotyoshelwe kule ngcaciso imfutshane yaye makungeniswe amaxwebhu ayintsusa. **likopi azisayi kwamkeleka.**

IsiHlomelo A & B – Z83

IsiHlomelo C – Ukuqeshwa kwaBagadi baBaviwa

IsiHlomelo D – I-DBE form (**enenombolo yerhafu nesitampu sebhanki**)

IsiHlomelo E – Uxwebhu lweMvumelwano yeNgqesho yeThutyana yaBantu baseKuhlaleni

IsiHlomelo F – IFOM i-MIE Personal Credential Disclosure Form

IsiHlomelo G – I-Attendance Register

7. **Ukutshekisha ukufaneleka kwabagadi babaviwa**

Inqununu/umphathi weziko okanye lowo kudluliselwe kuye amagunya makaqinisekise ukuba bonke abagadi babaviwa batshekishiwe ukuqinisekisa ukufaneleka kwabo, yaye batyunjwe ngokoMmiselo Regulation 57(1)(c) of the Public Service Regulations, 2016.

7.1 IsiHlomelo F (MIE Form) masizaliswe ngabo bonke abagadi babaviwa abatyunjiweyo.

- (a) Ukutshekishwa kwengcaciso engolwaphulo-mthetho
- (b) Ukungqinisiswa kobumi
- (c) Ukungqinisiswa kwamabanga emfundo
- (d) Ukungqinisiswa kweenkcukacha zengqesho zangaphambili

8. La malungu asekuhlaleni alandelayo **akanako** ukuqeshwa njengabagadi babaviwa:

- Amagosa eSebe iWCED okanye amalungu asekuhlaleni aqeshwe kwizikhundla ezisisigxina okanye kwezemvumelwano.
- Amalungu asekuhlaleni agxothiweyo enkonzweni kulo naliphi na isebe likarhulumente waseMzantsi Afrika.
- Utitshala okanye ilungu lasekuhlaleni elathatha ipakheji yomhlalaphantsi ngokuzithandela (*voluntary severance package*) kulo naliphi na isebe likarhulumente waseMzantsi Afrika.
- Utitshala okanye ilungu lasekuhlaleni elidla umhlalaphantsi ngenxa yokugula kulo naliphi na isebe likarhulumente waseMzantsi Afrika.
- Abenzi-sicelo abaneminyaka eyi-65 ubudala nabaya kuba begqiba iminyaka eyi-65 ngethuba lokugada abaviwa.

9. Kucelwa iinqununu nabaphathi bamaziko emfundo yabadala ukuba bagaye KUPHELA abantu abazifezekisayo iikhrayitheriya ezichazwe kumhlathi 10.

10. **likhrayitheriya zokuqeshwa kwabagadi babaviwa**

- 10.1 Umntu unokuqwalaselelwa ukuqeshwa kuphela njengomgadi wabaviwa oyintloko, umgadi wabaviwa oneqhuzu okanye umgadi wabaviwa xa ngaba:
- 10.1.1 uneminyaka eyi-25 ubuncinane kodwa angabikho ngaphezulu kweminyaka eyi-65 ubudala;
- 10.1.2 akasiso isizalwane somviwa obhala iimviwo okanye;
- 10.1.3 akanguye umyeni okanye inkosikazi yesizalwane somgadi wabaviwa oyintloko;
- 10.1.4 ungummi waseMzantsi Afrika; nokuba
- 10.1.5 unebanga lemfundo leNSC/SC ubuncinane.

11. **Inani lilonke labagadi babaviwa.**

- 11.1 Ukongeza kumgadi wabaviwa oyintloko, **makuqeshwe umgadi wabaviwa abe mnye kwi-30 nganye yabaviwa. Onke amagumbi makasetyenziswe ngokomthamo wawo opholeleyo phambi kokuba kusetyenziswe elinye igumbi elongezelelweyo.**
- 11.2 Kwiiseshoni apho kukho kuphela abaviwa abambalwa, ziya kwanela iinkonzo zomgadi wabaviwa omnye. Kwimeko ezilolu hlobo, umgadi wabaviwa oneqhuzu okanye oyintloko akasayi kwenza misebenzi yesiqhelo yokugada abaviwa, ngaphandle nje kokubambela umgadi wabaviwa amakakhaphe umviwa ukuya kwigumbi langasese.
- 11.3 Ukuba bonke abaviwa ngamadoda, kucetyiswa ukuba umgadi wabaviwa oyintloko, umgadi wabaviwa oneqhuzu nabagadi babaviwa mababe ngamadoda ngokunjalo. Ukuba bonke abaviwa ngamabhinqa, kucetyiswa ukuba umgadi wabaviwa oyintloko, umgadi wabaviwa oneqhuzu nabagadi babaviwa mababe ngamabhinqa. Ukuba kukho abaviwa abangamadoda nabangamabhinqa yaye umgadi wabaviwa oyintloko ngumntu oyindoda, ubuncinane omnye wabagadi babaviwa makabe libhinqa, okanye, ukuba umgadi wabaviwa oyintloko libhinqa, ubuncinane omnye wabagadi babaviwa makabe yindoda.
- 11.4 Xa kufuneka iinkonzo zabagadi babaviwa abongezelelweyo ukulawula amagumbi okubhalela iimviwo amabini okanye ngaphezulu ngaxeshanye, umgadi wabaviwa oyintloko akasayi kwenza misebenzi yesiqhelo yokugada abaviwa, koko kuya kufuneka ukuba enze imisebenzi yomgadi wabaviwa oyintloko kuwo onke amagumbi ekubhalelwa kuwo.

12. **Ukutyunjwa kwabagadi babaviwa**

- 12.1 **limviwo zeNSC zokuxabangela zangoJuni 2021, ezeSC neze-AET Level 4**

- 12.1.1 Inqununu/umphathi weziko okanye lowo kudluliselwe kuye amagunya uya kutyunjwa njengegosa lezoviwo eliyintloko (*chief examination officer*) yaye uya kuphendula ngokumalunga nolawulo nokusingathwa kweemviwo zangoJuni 2021 zeNSC/SC. Igosa leemviwo eliyintloko liya kuncediswa ekuqhutyweni kweemviwo zangoJuni 2021 zeNSC nezeSC ngumgadi wabaviwa oneqhuzu (ngumntu wasekuhlaleni). Lo mntu uya kuqeshwa njengomgadi wabaviwa oyintloko.
- 12.1.2 Inqununu/umphathi weziko, uya kutyumba ngencwadi ebhaliweyo, abantu abangamalungu asekuhlaleni abaya kuba besebenza njengomgadi wabaviwa oyintloko nanjengabagadi babaviwa kwiimviwo zangoJunii 2021 zeNSC zokuxabangela/eze-SC neze-AET Level 4.
- 12.1.3 Inqununu/umphathi weziko makaqhube udliwano-ndlebe kunye nomntu otyunjwe njengomgadi wabaviwa oneqhuzu ukuvavanya ubuchule bokufunda, ukubhala nokuva nokubanako ukubona komntu otyunjweyo, kwakunye nemeko yempilo yakhe ngokubanzi. Abantu abatyunjiweyo mababenako ukuyiqonda ngokucacileyo yaye bayiphumeze imiyalelo yoviwo.
- 12.1.4 Emva kokuba inqununu/umphathi weziko enlisekile kukuba umgadi wabaviwa oneqhuzu ngumntu onako ukwenza imisebenzi efunekayo, makasayine ileta yokuqeshwa ukulungiselela umgadi wabaviwa oneqhuzu.
- 12.1.5 Umgadi wabaviwa oyintloko nomgadi wabaviwa oneqhuzu makaxelelwe ukuba kuya kufuneka beze kwiseshoni yoqeqesho lwabagadi babaviwa eqhutywa liSebe iWCED.
- 12.1.6 Ilisti neefom zokuqeshwa zabo bonke abantu abangamalungu asekuhlaleni abaqeshwe njengabagadi baviwa kwezi mviwo malungeniswe kwi-ofisi yesithili engadlulanga **ngolwesibini, we-16 Apreli 2021.**
- 12.1.7 UMququzeleli woVavanyo neeMviwo kwi-ofisi yesithili makadibanise iifom zabatyunjiweyo ezifunyenweyo kuwo onke amaziko okubhalela iimviwo yaye zingeniswe iifom kwaNdlunkulu ngebhetshi enye edityanisiweyo engadlulanga **ngolwesihlanu, we-23 Apreli 2021.**
- 12.2 **limviwo zeNSC zangoNovemba 2021 neze-AET Level 4 zangoNovemba 2021**
- 12.2.1 Kwiiseshoni zeemviwo zeNSC, inqununu okanye umphathi weziko makaqinisekise ukuba **i-50% yabagadi babaviwa ngootitshala ize i-50% ibe ngabantu basekuhlaleni.**
- 12.2.2 Ootitshala abasebenza njengabagadi babaviwa **akuyomfuneko** ukuba bafakwe kwishedyuli ephelileyo yokugada abaviwa kwiseshoni nganye yoviwo.
- 12.2.3 Utitshala onomntwana obhala iimviwo zeNSC esikolweni apho utitshala aqeshwe khona, **makangatyunjwa** njengomgadi wabaviwa.

12.2.4 Kunyanzelekile ukuba utitshala angabandakanyeki ekubagadeni abafundi ababhala isifundo asifundisayo esikolweni.

12.2.5 Inqununu mayiqeshe ngencwadi ebhaliweyo bonke ootitshala abaya kusebenza njengabagadi babaviwa kwiimviwo zeNSC. Ilisti neefom zokuqeshwa zabo bonke ootitshala nabantu basekuhlaleni abaqeshwe njengabagadi babaviwa mayingeniswe kwi-ofisi yesithili engadlulanga **uLwesihlanu we-06 Agasti 2021**.

12.2.6. UMququzeleli woVavanyo neeMviwo kwi-ofisi yesithili makaqokelele yaye ahlanganise iifom zamagama atyunjiweyo (*nomination forms*) ezisuka kuwo onke amaziko okubhalela uviwo izingenise ezi fom kwaNdlunkulu zikwibhetshi enye ehlangeneyo (*one collated batch*) **engadlulanga uLwesihlanu, we-13 Agasti 2021**.

13. **Imisebenzi yabagadi babaviwa abaziintloko, eyabagadi babaviwa abaneqhuzu neyabagadi babaviwa**

13.1 Imisebenzi yabagadi babaviwa abaziintloko, eyabagadi babaviwa abaneqhuzu neyabagadi babaviwa, iyavela kwi-**Examination Procedure Manual, eqhotyoshelwe apha njengesiHlomelo A**.

13.2 Abagadi babaviwa mabangabancedisi abaviwa kuyo nayiphi imisebenzi etenxileyo (*irregular activities*) ngethuba lokubhalwa koviwo. ISebe WCED) alisayi kulibazisa ekubekeni izimangalo zokwaphulwa komthetho ngakuye nawuphi na umgadi wabaviwa ofunyenwe enetyala lwako nakuphi ukubandakanyeka kwisitenxo (*irregularity*).

13.3 Abagadi babaviwa abaziintloko, abagadi babaviwa abaneqhuzu nabagadi babaviwa mabaphathe **izazisi zabo, iirekhodi zezifundo zakutshanje abazipasileyo neemvumelwano zengqesho** ngalo lonke ithuba lokubhalwa kweemviwo.

13.4 Iinqununu mazenze ithayimthebhile yokugada abaviwa ize ingeniswe kumphathi wesekethe ochaphazelekayo nje ukuba kuvunywe ukuqeshwa kwabagadi babaviwa.

13.5 Ithayimthebhile yokugada abaviwa mayibandakanye abagadi babaviwa kunye nabagadi babaviwa ababambeleyo kwiseshoni yoviwo nganye.

14. **Uqeqesho lwabagadi babaviwa beemviwo zeNSC, zeSC neze-AET Level 4**

14.1 Uqeqesho lweenqununu, abagadi babaviwa abaziintloko nabagadi babaviwa abaneqhuzu nabantu basekuhlaleni, luya kuqhutywa **ngo-Agasti nangoSeptemba 2021** yaye lunyanzelekile.

14.2 Abagadi babaviwa abaneqhuzu abahlala **kumgama we-75km** ukusuka esikolweni okanye kwiziko apho kuqhutywa khona uqeqesho **baya kuhlawulwa iseshoni enye eyongezelelweyo** ukwenzela imbuyiselo yeendleko zeehambo.

- 14.3 Abagadi babaviwa abaneqhuzu abahlala **kumgama ongaphezulu kwe-75km** ukusuka kwindawo apho kuqhutywa khona uqeqesho **baya kuhlalulwa iiseshoni ezimbini ezongezelelweyo** ukwenzela imbuyiselo yeendleko zokuhamba.
- 14.4 Inqununu yesikolo mayiqinisekise ukuba bonke ootitshala nabantu basekuhlaleni abaqeshwe njengabagadi babaviwa, baqeqeshwe ngokupheleleyo ekwenzeni imisebenzi yabo yokugada abaviwa.
- 14.5 Uqeqesho malususele (*must be cascaded*) kwiinqununu nakubagadi babaviwa abaziintloko ukuya kubo bonke abagadi babaviwa abangekayi kwiseshoni yoqeqesho kwaNdlunkulu.
- 14.6 Iirejista zababekho kuqeqesho mazizaliswe njengobungqina kwinqanaba lesikolo yaye mazibonise ixesha nendawo ekwakuqhutyelwa kuyo uqeqesho namagama abagadi babaviwa ababekwiseshoni leyo.
15. **Ukutyunjwa nokuvunywa kwamagama abagadi babaviwa abaziintloko, abagadi babaviwa abaneqhuzu nabagadi babaviwa ukulungiselela zonke iimviwo**
- 15.1 **IsiHlomelo A no-B (Z83)** masizaliswe yinqununu okanye ngumphathi weziko. Umphathi wesekethe uya kungqinisisa amagama abatyunjiweyo acebise ngokutyunjwa kwabo emva koko agqithisele amaxwebhu kuMququzeleli woVavanyo neeMviwo kwaNdlunkulu ukwenzela ukuvunywa kwawo kokugqibela nokuqeshwa kwabo. **IsiHlomelo C** masizaliswe yaye sisayinwe yinqununu okanye ngumphathi weziko.
- 15.2 **IsiHlomelo G** masizaliswe yaye sisayinwe yinqununu okanye ngumphathi weziko ukungqinisisa inani leeseshoni ezigqityiweyo.
- 15.3 Amagama abagadi babaviwa abaneqhuzu abatyunjiweyo, makahanjiswe neekopi ezingqinisiweyo zesazisi somntu ngamnye otyunjiweyo, iSivi (*Curriculum Vitae*) elikhasi elinye (eenengxelo yamabanga emfundo akhe), emayiquke ubuncinane isatifikethi sabo seBakala 12.
- 15.4 Kukhethwa ukuba mabangaqwalaselelwa ukuqeshwa abenzi-sicelo okanye abatyunjiweyo ababefake izicelo zokuqeshwa ngokusisigxina kwezinye iindawo.
- 15.5 Kuphela ngumntu ekuvunyiweyo ukutyunjwa kwakhe nguNdlunkulu onokwenza imisebenzi njengomgadi wabaviwa. Akuvumelekanga naphantsi kwazo naziphi iimeko ukuba abagadi babaviwa batyumbwe abagadi babaviwa ababambeleyo nakweyiphi inxenye yomsebenzi wabo.
- Ukuba iimeko ziyamthintela umgadi wabaviwa oyintloko, umgadi wabaviwa oneqhuzu okanye umgadi wabaviwa ukuba agade abaviwa kuviwo, inqununu okanye umphathi weziko, ngokuthetha-thethana nomphathi wesekethe, makenze amalungiselelo okutyunjwa komgadi wabaviwa obambeleyo kwaye malaziswe ngoko nangoko iCandelo loLawulo lweeMviwo ngolo tshintsho. Abagadi babaviwa ababambeleyo nabo mabangenise ngokunjalo iinkcukacha zabo zeebhanki neenombolo zesalathiso

zerhafu (*tax reference number*) **kwisiHlomelo D** esiqhotyoshelweyo. **Makuqatshelwe ukuba ngamaxwebhu ayintsusa kuphela angeniswayo.**

16. Imvumelwano yokwenziwa kwenkonzo

Bonke abagadi babaviwa abaziintloko, abagadi babaviwa abaneqhuzu nabagadi babaviwa, mabazilungiselele ukungena kwimvumelwano yokwenziwa kwenkonzo (*service contract*) neSebe iWCED ngokumalunga nemisebenzi neemfanelo zabo eziphathelwele kwiimviwo. Le mvumelwano iya kusebenza kwiimviwo **zangoJuni 2021 neemviwo zangoNovemba 2021.**

17. Ukungeniswa kweefom zokutyumba abagadi babaviwa

17.1 Emva kokungqinisiswa **kweziHlomelo A & B (Z83), C, D E, no-I, uMququzeleli woVavanyo neeMviwo** makazingenise zikwibhetshi enye **kwigosa elichaphazelekayo kula axelwe ngezantsi:**

MAKUQATSHELWE: KUPHELA NGAMAXWEBHU AYINTSUSA AYA KWAMKELWA YAYE AQWALASELWE

ISithili	Igosa elichaphazelekayo	Inombalo yefoni.
<i>Metro North</i>	Johnnie Isaacs (KwaNdlunkulu)	021 467 2974
<i>Metro Central</i>	Farrel Jacobs (KwaNdlunkulu)	021 467 28939
<i>Metro Central</i>	Gail Laguma (KwaNdlunkulu)	021 467 2909
<i>Metro South</i>	Peggy Thomas (KwaNdlunkulu)	021 467 2930
<i>Metro East</i>	Gideon Dilgee (KwaNdlunkulu)	021 467 2941
<i>West Coast</i>	Patricia Liguma (KwaNdlunkulu))	021 467 2936
<i>Cape Winelands</i>	Lindsay Weber (KwaNdlunkulu))	021 467 2732
<i>Overberg</i>	Patricia Liguma (KwaNdlunkulu))	021 467 2936
<i>Eden and Central Karoo</i>	George Valentine (KwaNdlunkulu)	021 467 2978

17.2 **Isishwankathelo semihla yokungensiwa kweefom zabagadi babaviwa abatyunjiweyo:**

17.3 limviwo zokuxabangela zangoJuni 2021 zeNSC/zeSC neze-AET Level 4: **23 Apreli 2021**

17.4 limviwo zangoNovemba zango-2021 zeNSC neze-AET Level 4: **13 Agasti 2021**

18. **Ukuhlawulwa kwabagadi babaviwa**

- 18.1 ISebe i-WCED liya kubatyumba kwaye libahlawule abagadi babaviwa abangabantu basekuhlaleni ngokungqinelana nemimiselo ye-*Personnel Administration Measures (PAM)* iSahluko D.
- 18.2 **Izikolo ezizimeleyo, iikholeji neentolongo, zinoxanduva lokuhlawula abagadi babaviwa bazo.** Nakuba kunjalo, iinqununu zezikolo ezizimeleyo, iintloko zeekholeji nezeentolongo maziqaphele ukuba **kunyanzelekile ukuzalisa iziHlomelo A, & B (Z83), C no-E yaye zibuyiselwe kwiSebe iWCED** nangona abagadi babaviwa bala maziko bengahlawulwa liSebe i-WCED.
- 18.3 **Abasebenzi benkonzo karhulumente nootitshala (abaqeshwe ngokwemvumelwano)** abafumana **umvuzo kwiSebe i-WCED nabasebenza njengabagadi babaviwa, abayi kuhlawulwa** liSebe i-WCED ngemisebenzi yokugada abaviwa abayenzileyo.
- 18.4 Ireyithi yentlawulo yokugada abaviwa ngoku (esengatshintsha) yi-**R257,10 ngeseshoni nganye kumgadi wabaviwa oneqhuzu** ize ibe yi-**R171,40 ngeseshoni nganye kumgadi wabaviwa.**
- 18.5 **Abagadi babaviwa abasayi kuhlawulwa phantsi kwazo naziphi iimeko ngeendleko zeehambo eziphathelele ekwenzeni imisebenzi yokugada abaviwa.** Iinqununu kunye nabaphathi bamaziko, ngoko ke, mabaqeshe abagadi babaviwa abangabantu basekuhlaleni abafumana iinkonzo kweso sikolo okanye kwelo ziko.
- 18.6 Imimiselo (*IRP10*) engokuhlulwa kwerhafu yomqeshwa imisela ukuba yonke imivuzo yabantu abaqeshwe ngokungesosigxina mayitsalelwe irhafu ye-25%. ISebe i-WCED liya kuthi, ngoko ke, litsale **i-25% eyirhafu yezixa zentlawulo yabagadi babaviwa ngeenkono abazenzileyo.** Ngoko ke, **ukungeniswa komyalelo werhafu yabaqeshwa (tax directive) (IRP 3) akusasebenzi.**
- 18.7 Abagadi babaviwa abafanele ukuxolelwa ngokupheleleyo okanye ngokuyinxenye kwintlawulo yerhafu yabaqeshwa, mabathi emva kokuba befumene izatifikethi ze-*IRP 5* bazingenise kwi-ofisi yabo ye-*Receiver of Revenue* ekufutshane nabo, kwakunye nefom emiselweyo eyi-*IT12 S form*. Ii-*IRP 5 certificates*, ziya kuthunyelwa ngekhuriya esikolweni ngoJuni okanye ngoJulayi kunyaka olandela lowo bebengabagadi babaviwa ngawo.
- 18.8 Ukwenzela ukuba kukhawulezise intlawulo yamabango, abagadi babaviwa abaneqhuzu okanye abagadi babaviwa mababhale **inombolo yesazisi zabo** kwifom yokwamkela ukuqeshwa baze baqhuboshele ikopi yesazisi eqinisekisiweyo. **IsiHlomelo D** ekubhalwe kuso kwakhona **inombolo yesalathiso yerhafu (tax reference number)** masizaliswe ngabo **bonke abagadi babaviwa abaneqhuzu nangabagadi babaviwa abangabantu basekuhlaleni.** Le fom mayizaliswe kwaye ingqinwe njengechanekileyo kwaye i-akhawunti yebhanki mayingqinwe njengesebenzayo yibhanki echaphazelekayo.

19. Kucelwa uqinisekise ukuba ikopi yale ngcaciso imfutshane yeCandelo loLawulo lweeMviwo inikwa ngununu okanye umphathi weziko okanye lowo idlulisele kuye amagunya, umgadi wabaviwa oneqhuzu kunye nomgadi wabaviwa owongezelelweyo ngamnye.

ISAYINWE: NGU-PAD BEETS

USEKELA MLAWULI-JIKELELE WOLAWULO LWEKHARITYHULAM NOVAVANYO

UMHLA: 2021-03-30